

UNIVERZITET U TUZLI

Na osnovu člana 75. stav (1) tačka 12) Statuta Univerziteta u Tuzli i Odluke Senata Univerziteta broj: 03-5200-16/10 od 23.06.2010. godine, raspisuje

KONKURS ZA PRIJEM REDOVNIH STUDENATA U STUDENTSKE DOMOVE STUDENTSKOG CENTRA UNIVERZITETA U TUZLI U AKADEMSKOJ 2010/2011. GODINI

I

U akademskoj 2010/2011.godini u studentske domove Studentskog centra Univerziteta u Tuzli (u daljem tekstu: Studentski centar) bit će primljeno 534 studenta Akademije / fakulteta Univerziteta u Tuzli, na smještaj i ishranu, od čega 520 studenata državljana BiH i 14 studenata stranih državljana.

II

Pravo smještaja u studentske domove Studentskog centra imaju redovni studenti Akademije/ fakulteta Univerziteta u Tuzli, koji ispunjavaju slijedeće uslove:

- da su u akademskoj 2010/2011.godini prvi put upisali prvu odnosno narednu godinu studija,
- da je mjesto prebivališta, odnosno boravišta udaljeno od Tuzle više od 30 km,
- da imaju opštu zdravstvenu sposobnost.

III

Uz prijavu na Konkurs potrebno je da kandidat dostavi slijedeću dokumentaciju:

1. Prijavu za prijem u Studentski dom (obrazac prijave se nabavlja u Upravi Studentskog centra);
2. Uvjerenje da je redovan student koji prvi put upisuje prvu odnosno narednu godinu studija;
3. Uvjerenje o prosječnoj ocjeni ostvarenoj u prethodnoj godini studija, odnosno u srednjoj školi za studente I godine;
4. Kopiju lične karte
 - studenti strani državljanici dostavljaju ovjerenu kopiju pasoša ili lične karte;
5. Kopiju prijave o prebivalištu odnosno boravištu (CIPS-ov dokument);
6. Uvjerenje o zajedničkom domaćinstvu;
7. Potvrdu o prosječnoj plaći za svakog zaposlenog člana užeg domaćinstva ostvarenoj u posljednja tri mjeseca, odnosno ovjerenu fotokopiju tri posljednja čeka od penzije za svakog člana užeg porodičnog domaćinstva koji prima penziju;
8. Uvjerenje o katastarskom prihodu za svakog člana zajedničkog domaćinstva iz prethodne godine;
9. Uvjerenje za članove zajedničkog domaćinstva koji se nalaze na evidenciji Zavoda za zapošljavanje;
10. Uvjerenje da je student iz porodice koja je korisnik socijalne pomoći i visini te pomoći;
11. Potvrda – uvjerenje o osvojenim nagradama u nastavnim takmičenjima na entitetskom, državnom i međunarodnom nivou.

IV

Pravo učešća na Konkurs nemaju:

- studenti stanari studentskih domova tekuće i prethodnih godina, koji su kršili kućni red i protiv kojih je izrečena teža disciplinska mjera,
- studenti stanari studentskih domova tekuće i prethodnih godina, koji nisu izvršili svoje finansijske ili ugovorene obaveze prema Studentskom centru Tuzla.

V

Rangiranje kandidata obaviti će Komisija za prijem studenata u studentske domove na osnovu utvrđenih kriterija i zbrajanja ukupnog broja bodova dobivenih iz dostavljenih dokumenata koji se traže ovim Konkursom.

Rang-liste će biti objavljene na oglasnim pločama studentskih domova, (internet stranici Univerziteta u Tuzli: www.untz.ba), u skladu sa Planom i dinamikom realizacije Konkursa.

VI

Komisija za prijem studenata u studentske domove će naknadno, a nakon prispjeća i obrade svih aplikacija, odrediti kriterije globalne raspodjele smještajnih kapaciteta, način, uslove i dinamiku useljavanja.

VII

Studenti koji zadovolje uslove kriterija i ostvare pravo na smještaj u studentske domove obavezni su koristiti usluge doma počev od 01.10. tekuće godine do 15.07. naredne godine, odnosno dužni su u cjelosti izmiriti svoje obaveze za naznačeni period.

Međusobni odnosi između Studentskog centra Univerziteta u Tuzli kao davaoca usluga i studenata kao korisnika usluga i kantonalnih i Federalnog ministarstva obrazovanja kao učesnika u sufinansiranju, urediti će se posebnim ugovorom kojim će se jasno utvrditi prava i obaveze ugovornih strana za period naznačen u prethodnom stavu.

Studenti korisnici usluga koji ispunjavaju kriterije, a dolaze iz kantona sa kojima Studentski centar Tuzla nema potpisan ugovor iz prethodne alineje, dužni su prilikom zaduženja dostaviti pojedinačnu potvrdu svog kantona da se prihvata subvencioniranje ishrane i smještaja za tekuću akademsku godinu.

VIII

Prilikom zaduživanja u studentski dom novoupisani studenti – brucoši dužni su dostaviti potvrdu o upisu na fakultet.

Studenti starijih godina koji su privremeno primljeni po Konkursu u dom, obavezni su dostaviti potvrdu o upisu na fakultet u akademskoj 2010/2011. godini do 01.10.2010. godine radi regulisanja konačnog smještaja, u protivnom gube pravo na smještaj.

Uz ispunjenje uvjeta iz stava II i III Konkursa, prioritet kod smještaja u studentske domove, pod jednakim uvjetima rangiranja imaju studenti koji pripadaju kategoriji lica prema Zakonu o dopunskim pravima boraca – branitelja i članova njihovih porodica ("Službene novine Tuzlanskog kantona", broj: 3/07, 4/08, 9/08, 13/09 i 8/10).

Lice koje ostvaruje dopunska prava shodno navedenom Zakonu dužno je priložiti i uvjerenje da je član porodice šehida – poginulih, umrlih i nestalih boraca – branitelja; ratnih vojnih invalida, nosilaca najviših ratnih vojnih odlikovanja i priznanja i demobilisanih boraca – branitelja koji su ostvarili ova prava na području Federacije BiH, izdato od Općinske službe za boračko-invalidsku zaštitu.

IX

Konkurs je otvoren dvadesetpet (25) dana od dana objavljivanja u sredstvima javnog informisanja.

X

Neblagovremene i nepotpune prijave neće se uzeti u razmatranje.

XI

Prijave na Konkurs mogu se dostaviti lično ili putem pošte na adresu:

UNIVERZITET U TUZLI
STUDENSKI CENTAR TUZLA
Ul. Muhameda Hevajja Uskufija br. 7.
Tel:/ Fax: 035/252-208 ili 035/275-534
75000 TUZLA